

# فيديو # ٩٧٤ من مقاطع حظر التجول تدبر سورة الزخرف # ٣١

## الآيات ١٨-٩٨

فاضل سليمان

وادي فيسبوك السلام عليكم ورحمة الله وبركاته. اهلا بحضراتكم. في المقطع رقم ربعمية تسعة وسبعين من مقاطع حظر التجول والحلقة الثالثة عشرة من حلقات تدبر سورة الزخرف. ارجو من حضراتكم تجميعوا المصاحف - [00:00:02](#)

وقبل ما نبدأ تدبر آيات حلقة الليلة واحنا ان شاء الله الليلة هنخلص سورة الزخرف احب بس اقول لكم ان امبارح آآ اخونا اياك امام لقيته سألني سؤال حلو اوي - [00:00:28](#)

سؤال. دكتور اولاً أنا مش دكتور. هو ليه اكثركم للحق كارهون هم مش كلهم كارهين! مش كلهم مستحقين النار واخدين بالكم؟ السؤال حلو ازاى؟ اقرا معي الايات سبعة وسبعين وثمانية وسبعين - [00:00:42](#)

اعوذ بالله السميع العليم من الشيطان الرجيم. ونادوا يا ما لك ليقض علينا ربك. قال انكم ماكنون لقد جنناكم بالحق ولكن اكثركم للحق كارهون. ليه ما لك خازن النار؟ قال - [00:00:59](#)

ولكن اكثركم للحق كارهون ببساطة لان لازم يكون كلامه دقيق هناك اسباب متعددة للكفر. منها كراهية الله او كراهية الحق سواء الحق معناه الله اسم من اسمائه الحسنى او الحق معناه الحقيقة. لكن بعض الناس بيكفر - [00:01:21](#)

وبعض الناس بيعصي الله وبيستحق انه يدخل النار لاسباب اخرى فمش الكل كان بسبب الكراهية. اكثر الناس بسبب الكراهية للحق في ناس بتعصي او في ناس بتشرك بسبب الضعف امام الشهوات - [00:01:42](#)

ليس بالضرورة كراهية للحق خلاص؟ نبدأ بقى تدبر وعلى فكرة ده الكتاب اهو اللي هو اسمه هيتن جوت اللي انا كلمتكم عنه امبارح وحتى اختنا فلة حطت صورته على التويتر عندها ده كتاب انا يعني آآ عندي آآ بيكشف - [00:02:01](#)

حقيقة الحالة النفسية بتاعة الملحين في الحقيقة ما فيش ملحين ولا حاجة ما فيش حد بينكر وجود ربنا ولا حاجة هو الحقيقة انهم بيكرهوا فكرة ان يكون في اله اصلا - [00:02:19](#)

هم بيكرهوا الله لكن ما حدش بيحب انه يعرف بصفته كاره لله فالافضل يعرف نفسه بصفته منكر لوجود الله لكن هو في الحقيقة هو مش منكر ولا حاجة اقرأ بقى معي من الاية واحد وثمانين للاية ثلاثة وثمانين. نبدأ بقى تدبر الليلة - [00:02:34](#)

قل ان كان للرحمن ولد فانا اول العابدين. سبحان رب السماوات والارض رب العرش عرش عما يصفون فذرهم يخوضوا ويلعبوا حتى يلاقوا يومهم الذي يوعدون السورة في اولها ذكرت نوع من انواع المشركين وهم الذين - [00:02:55](#)

آآ اعتبروا الملائكة بنات الله ارجع معي لاية تستعاضر بسرعة الاية تستعاضر وجعلوا الملائكة الذين هم عباد الرحمن انا انما اشهدوا خلقهم سكتب شهادتهم ويسألون وربنا ضرب مثل بعيسى ابن مريم اللي قومه ادعوا انه ابن الله - [00:03:23](#)

وعبده. اقرا معي الاية سبعة وخمسين نروح بسرعة لسبعة وخمسين ولما ضرب ابن مريم مثلاً اذا قومك منه يصدون. فربنا ختم المسألة دي في نهاية السورة بانه امر النبي صلى الله عليه وسلم انه يقول انه يعلم - [00:03:50](#)

انه الله ليس له ولد ولكن لو كان الله سبحانه وتعالى له ولد يبقى يستحق العبادة. فنحن نعلم ان لو لو افترضنا ان ربنا له ولد يبقى الولد بالتأكيد يستحق العبادة. على فكرة كلمة ولد - [00:04:11](#)

يعني ابن او بنت يعني انا ممكن اقول ايه؟ انا آآ عندي ولدين ابن وبنت ماشي؟ لكن اه لا يفرق هنا بين الذكر والانثى اللي يفرق بين

الذكر والانثى كلمة ابن وكلمة اه بنت - 00:04:26

الدنيا حر المهم يبقى آآ اليه بيقول كده ؟ لان معروف ان الابن او البنت من نفس طبيعة الوالد. فبالتالي لو اله انجب انجب يبقى

بالتأكيد سينجب الهة وبالتالي لو افترضنا جدلا - 00:04:44

وتنزلا بس في الخطاب كده ان ده صحيح يبقى النبي عليه الصلاة والسلام هيبقى اول واحد اولى واحد بانه يعبد آآ آآ اولاد آآ ربنا لو

ربنا له اولاد هو ما لوش اولاد - 00:05:08

يعني اول واحد سيسارع لعبادة آآ اولاد ربنا هيكون النبي عليه الصلاة والسلام لكن الله لم يلد ولم يولد. وهذا منتهى التحدي يعني

القرآن بيقول لهم اثبتوا ان الله له ولد ولكم علي انا اول واحد اعبد - 00:05:25

بس يلا ورونا شطارتكم. هتعملوا ايه ؟ يعني يعني هذا تحدي هذا الكلام للتحدي. طبعا فيه مفسرين قالوا لأ ما لهاش هي مش

معناها كده وانه آآ ان كان لله ولد يعني آآ ليس لله ولد. تحميل للغة فوق ما تحتل يعني - 00:05:43

لكن طبعا اللي انا بقوله ده ده الامام الرازي الفخر الرازي وابن عاشور ومعزم المفسرين على الرأي ده طبعا اقرا معي اثنين وتمانين

سبحان رب السماوات والارض رب العرش عما يصفون. سبحان كلمة تعني التنزيه عن اي - 00:06:03

يعني ربنا منزله عن النقص ان كل ولد ده نقص اه الله! ليه اللي بيحتاج للولد بيحتاجه عشان يساعد لما يكبر ويعجز او يحمل اسمه

بعد ما يموت لكن الله سبحانه وتعالى قيوم على نفسه لا يصيبه عجز - 00:06:24

ولا تعب سميع سمعه لا يضعف. بصير بصره لا يضعف. حي لا يموت. فما ينطبق على الانسان لا ينطبق على الله. بالنسبة للانسان هو

الكمال لان الانسان يكون عنده اولاد. لكن بالنسبة لله لأ نقص - 00:06:49

نقص فمن يصف ان الله عنده اولاد هو يصف الله بالنقص اقرا اثنين وتمانين سبحان رب السماوات والارض رب العرش عما يصفون

في بقى حاجة لاحظتها. دايم لما ربنا يتكلم عن اللي ادعوا - 00:07:08

انه له ولد سواء ادعوا ان الملائكة بنات الله او اللي ادعوا ان المسيح عليه الصلاة والسلام ابن الله دايم السياق فورا يذكر ان الله

سبحانه وتعالى هو ما لك السماوات والارض - 00:07:26

يعني هنا في الاية اثنين وتمانين. بص الاية اثنين وتمانين سبحان رب السماوات والارض في البقرة وقالوا اتخذ الله ولدا سبحانه بل

انا متوقع يقول لي ايه؟ بل ليس له ولد لا. قال لك بل له ما في السماوات والارض - 00:07:43

ايه دخل ده بده؟ يعني ايه دخل الملكية بان يكون الولد ولا لأ سورة يونس قالوا اتخذ الله ولدا سبحانه هو الغني له ما في السماوات

وما في الارض. ثاني بيتكلم عن الملكية. ان ربنا هو ما لك السماوات والارض بعد - 00:08:03

ادعاء الناس بانه له ولد في سورة الفرقان الله آآ الذي له ملك السماوات والارض ولم يتخذ ولدا. ايه وجه التعارض اصلا في وجه

التعارض بل انه يكون له ملك السماوات والارض - 00:08:22

يكون عنده ولد قعدت ابحت فيها كلها وجدت ان صورة مريم ادتني الحل وصورة تانية برضو ازن صورة آآ آآ الانبياء بصوا بقى ركز

معني في اللي هقراه ده في سورة مريم - 00:08:39

وشف فهمت الحل ولا لأ وقالوا اتخذ الرحمن ولدا لقد جئتم شيئا ادا تكاد السماوات يتفطرن منه وتنشق الارض وتخر الجبال هدا. ان

دعت او للرحمن ولدا. وما ينبغي للرحمن ان يتخذ ولدا. ان كل من في السماوات والارض - 00:08:56

ارضي الا اسمع. اتي الرحمن عبدا فهتمم الاجابة ولا لأ ؟ لو ما فهمتهاش استنى. هاقرأ لك هتبقى واضحة اكثر في سورة الانبياء. سورة

الانبياء. وقالوا اتخذ الرحمن ولدا سبحانه - 00:09:23

بل عباد مكرمون خدتوا بالكم؟ في مريم ان كل من في السماوات والارض الا اتي الرحمن عبدا. وفي الانبياء بل عباد مكرمون. يا

جماعة لو واحد انا عبد لو نفترض ان العبودية لسة موجودة. لا قدر الله. ونزلت انا اشتريت عبد من السوق وبعد ما جبته عملنا تحليل

دي ان ايه وطلع ابن - 00:09:45

كنت متجاوز زمان في بلد مش عارف ايه وطلع الواد ده ابني انتهت العبودية بتاعته خلاص انتهت بانتهاه خلاص يعني يعني بانتهاه

الملكية. وده ابني. خلاص. فما فيش حد بيملك ولاده - [00:10:14](#)

فهمتا بقى ؟ عشان كده دايم لما لما القرآن يتكلم عن اللي ادعوا لله ولد يتكلم ان كل شيه لله. يبقى ما فيش شيه ابن الله كل انسان كل مخلوق ملاك جن انس كلهم عباد مكرمون - [00:10:33](#)

مدام عماد يبقى مش اولاد الله فهمتم بقى دي اه اقرأ معي الاية ثلاثة وتمانين نظره يمشوا ويلعبوا حتى يلاقوا يومهم الذي يوعدون سيهم اتركهم انتظرهم يخوضوا ويلعبوا يخوضوا سيهم يغوطوا ويغرزوا في الوحل - [00:10:58](#)

يخوض بتتقال للي نازل يمشي في بركة ميه. ويبدأ حركته تتقل لان مش قادر يحرك رجله انه خلاص هو خاض هو غوط اقصد يعني يعني غرز نتيجة انه انه مشي في المكان الغلط. فزارهم يخوضوا ويلعبوا - [00:11:30](#)

الاية دي جت بعد اية ايه واحد وتمانين بص في واحد وتمانين. قل ان كان للرحمن ولد فانا اول العابدين. فيه مسلمين بيقرأوها مش مستريحين لفكرة ان مسلم كمان النبي نفسه يقول لو له ولد انا اول العابدين. يعني يحس انه فيها يعني ازاى حتى نقدر نقولها -

[00:11:57](#)

بس. اومال ايه ثلاثة وتمانين بتقول فذرهم يخوضوا ويلعبوا. جاية بعدها على طول بتثبت انها الاية واحد وتمانين دي قيلت تنزلا بس تنزلا كده وتحديا لكن مش ممكن المسلم يؤمن ولا ان فيه احتمال واحد في المليون ان ربنا يكون له ولد. ده مش وارد اصلا -

[00:12:17](#)

لذلك ثلاثة وتمانين جت قالت ان الكلام ده خوض ولعب يعني ايه لاعب؟ لاعب بايه؟ لاعب بالايات يعني الايات لم تؤثر فيهم. استخفوا بها. اخدوا الموضوع لعب ولهو نظره يخوضوا ويلعبوا حتى يلاقوا يومهم الذي يوعدون - [00:12:44](#)

اللعب والاستخفاف ده هيتوقف يوم القيامة لما يفاجئوا انهم في كارسة كارثة نظره يخوضوا ويلعبوا حتى يلاقوا يومهم الذي يوعدون يوم القيامة ما فيش لاعب ما فيش هزار خلاص ما فيش استخفاف بايات الله - [00:13:12](#)

في هذا اليوم تم تحذيرهم منه حتى يلاقوا يومهم الذي يوعدون اذا هم وعدوا بهذا اليوم في الدنيا. هم تم التأكيد عليهم من هذا اليوم قادم اقرا اربعة وتمانين وهو الذي في السماء اله وفي الارض اله. وهو الحكيم العليم - [00:13:36](#)

لا يوجد مكان يحده الله. ما فيش ربنا ما بيدخلش جوة مكان الاية معناها ان كل من في السماء الههم هو الله وكل من في الارض اله هو الله خلي بالك - [00:13:58](#)

وهو الذي في السماء اله وفي الارض اله. هو اله في كل حته هو اله ما فيش اله اخر ولكن الاية فيها حاجة في منتهى الخطورة وهو انه لو النكرة - [00:14:16](#)

تكررت في الجملة الواحدة يجب انها تبقى مختلفة يعني لو انا قلت رأيت سيارة واشترت سيارة يبقى انا اللي شفتها غير اللي اشتريتها نكرتين في جملة واحدة رأيت سيارة وركبت سيارة. يبقى السيارة الثانية مش هي الاولانية. لازم يكونوا مختلفين -

[00:14:34](#)

لكن لو قلت رأيت السيارة فركبت السيارة. يبقى هي هي رأيت السيارة واشترت السيارة يبقى هي هي في سورة الشرح فان مع العسر يسرا ان مع العسر يسرا. كلمة عسر جت مرتين وكلمة يسر جت مرتين - [00:15:01](#)

العسر جت معرفة فان مع العسر ان مع العسر. يبقى العسر جت مرتين معرفة ويسر جت مرتين نكرة فان مع العسر يسرا نكرة ان مع العسر يسرا. ثاني نكرة النبي عليه الصلاة والسلام له حديث طويل. بيقول من ضمن الحديث بيقول ايه؟ لن يغلب عسر - [00:15:33](#)

يسرين عسر واحد ما يغلبش يسرين. ليه عسر واحد ما العسر جت مرتين؟ لأ. جت مرتين معرفة بالي يبقى هو نفس العسر ويسر يسرا جت مرتين نكرتين يبقى يسر يبقى مختلفين عن بعض. فقال لن يغلب عسر يسرين. عشان - [00:16:02](#)

العسر جه معرف مرتين. انما على العسر يسرا. انما على العسر يسرا. يبقى عسر واحد ويسرين هنا بقى عندنا مشكلة في اربعة وتمانين اربعة وتمانين وهو الذي في السماء اله - [00:16:22](#)

الكلمة نكرة وفي الارض اله. الكلمة نكرة وهو الحكيم العليم. قال لك بس يبقى فيه الهين اعداء الاسلام مسكوه بقى. حل لي بقى

المشكلة. انت عندك اية في القرآن بتقول عندك كده ليه؟ ليه ما هو مش هم المفروض. لو الكلمتين نكرات - [00:16:38](#)

ييقوا مختلفين احتار فيها العلماء كثيرا لكن اللغويين وجدوا كلمة اله في الاية ليست نكرة. ليه لانها صلة الموصول. خل بالك بقى.

الاية بتقول ايه وهو الذي اسم موصول - [00:16:58](#)

معرفة في السماء اله. اله صلة الموصول الذي اذا الذي في السماء اله معرفة وفي الارض اله. ايضا صلة المنصور بتاعة الذي

الاولانية دي معناه اتصل اله الاولى واله الثانية. وهو الذي - [00:17:17](#)

في السماء اله وفي الارض اله يعني وهو الذي في الارض اله ايضا اذا هما معرفتين فهمتوها ولا لآ؟ ما اعرفش ليه ربنا قال وهو الذي

في السماء اله وفي الارض اله - [00:17:38](#)

وهو الحكيم العليم لانهم ادعوا ان الملائكة والملائكة هم الملأ الاعلى يعني سكان السماوات. ادعوا ان هم بنات الله بدل من عباد الله

وهو الذي في السماء اله. يعني اهل السماء يعبدون الله. انتهى الامر - [00:18:00](#)

وفي الارض اله. فيه ناس ادعوا ان المسيح هو ابنه الله. وادعوا ان المسيح آ اذا وفي الارض اله يبقى في الارض هو الاله قل له يا

بيدو حتى المسيح عبد - [00:18:18](#)

فجاء الرد واضح هو الذي في السماء اله وفي الارض اله وهو الحكيم العليم آ لما ربنا ضرب المسل بالمسيح قال ايه ولما جاء طيب

خير راحت من هنا كان حاجة في ذهني اقولها وراحت. ان شاء الله ربنا يفكرني بها ان شاء الله - [00:18:31](#)

طيب وهو الذي في السماء اله وفي الارض اله وهو الحكيم العليم. كل اختيارات ربنا فيها حكمة ومبنية على علمه الغير محدود فلو

كان الافضل انه يتخذ ولد كان اتخذ ولد - [00:19:05](#)

كان الافضل لا يتخذ ولد هو الحكيم العليم هذه ارادة الله الحكيم العليم مبنية على حكمة وعلى علم اقرا خمسة وتمانين بقى وتبارك

الذي له ملك السماوات والارض وما بينهما وعنده علم الساعة واليه ترجعون - [00:19:24](#)

تبارك يعني تفاعل مع البركة البركة هي الزيادة الخير البركة تسمى بركة لثبوت الماء فيها. الماء فيها مش جاري. يبقى اسمها بركة

يتقال بركة البعير لما يجلس ويثبت وما يتحركش مبارك. الجمال برك - [00:19:46](#)

اذا البركة للاسف اذا البركة هي الخير لما يمتلى ويفيض تبارك يعني تفاعل مع البركة. اي فاض خيره وظهر على الخلق وتابعه اقرا

خمس وتمانين وتبارك الذي له ملك السماوات والارض. يبقى فاض خيره وظهر على السماوات والارض - [00:20:10](#)

واللي فيهم يبقى لما ترجع للاية اثنين وتمانين نرجع لاتنين وتمانين تجد تنزيه الله عن النقص. سبحان رب السماوات والارض رب

العرش عما يصفون تنزيهه عن النقص ان يكون عنده ولد - [00:20:37](#)

ارجع لاربعة وتمانين تجد انه اله كل من في السماء واله كل من في الارض روح لخمس وتمانين تبارك الذي له ملك السماوات والارض

وما بينهما. خير وظهر وفاض على كل مخلوقاته في السماوات والارض - [00:20:52](#)

جو عمال يجيب لك علاقة ربنا بمخلوقاته اقرا خمس وتمانين وعنده علم الساعة واليه ترجعون ذكر قيام الساعة والرجوع الى الله

بس ذكرهم بعد ذكر البركة التي تظهر وتفيض على الناس - [00:21:11](#)

يعني ايه ليه ربنا ذكر الساعة بعد ما ذكر انه تبارك عشان البركة دي والنعمة دي يجب ان تشكر واللي مش هيشكر وهيكفر هناك حساب

يوم الساعة واليه ترجعون لما ترجعوا لله وهناك بعث وهناك حساب - [00:21:39](#)

فشوف الترتيب لما يتكلم عن الساعة بعد ما يتكلم عن البركة ان البركة دي في اشياء واجبة علينا ان احنا آ نعملها. طيب اقرب الايات

في السورة. لهذا المعنى هي الاية خمسة - [00:21:58](#)

لو رجعت معي بسرعة للاية خمسة في السورة افنضرب عنكم الذكر صفحا ان كنتم قوما مسرفين يعني ايه؟ ما فيش حاجة هتعتدي.

القرآن هيذكركم بما يجب عليكم من شكر وعبادة. هيفضل يذكركم دايم - [00:22:13](#)

وعندما تقوم الساعة بقى اليه ترجعون. تقوم رابطاك الاية خمسة من الاية ستة وتمانين اول الصورة باخر الصورة اية خمسة وتمانين

هات بقى الاية ستة وتمانين معي سيادة التميرين ولا يملك الذين يدعون من دونه الشفاعة الا من شهد بالحق وهم يعلمون -

هم عبدوا الملائكة ليه؟ عشان يشفعوا لهم سورة الزمر تدبرنا والذين اتخذوا من دونه اولياء ما نعبدهم الا ليقربونا من الله زلفى. قال لك احنا بنعبدهم بس عشان يقربونا من ربنا. عشان يشفعوا لنا عند ربنا - 00:22:57

فربنا بيرد عليهم في الاية ستة وثمانين في سورة الزخرف. ولا يملكون الذي ولا اسف. ولا يملك الذين يدعون من دونه الشفاعة اللي هم بيدعوهم من دون ربنا دول الملائكة او المسيح او غيرهم لا يملكو الشفاعة الا - 00:23:16

من شهد بالحق وهم يعلمون يعني ايه اللي ربنا سيمنحه الازن في انه يشفع ولما هيشفع هيشفع بالحق ما فيش حد هيشفع لكافر. ما فيش حد هيشفع لمشرك ابدًا. اوعى يكون فاكر ان السيد المسيح هيجي يوم القيامة ويقول يا رب الناس اللي عبدوني دول -

اشفع له. لا لا يمكن يشفع. ما يقدرش يشفع لهم. ما يقدرش. لن يريد اصلا انه يشفع لهم هنا الاية واضحة الا ما شوفوا. اقرا معي ستة وثمانين تانية. ولا يملك الذين يدعون من دونه الشفاعة - 00:23:53

الا من شهد بالحق وهم يعلمون اللي يشهد بالحق يعني بيشهد بما يعلم ما حدش بيشهد الا بما يعلم. باللي شافه ما حدش من اللي عندهم الازن بالشفاعة زي الانبياء والشهداء هيشهد بدون علم او سيشفع مشرك او كافر - 00:24:09

هيتأكد قبل ما يشهد وهيتأكد قبل ما يشفع هو بيشفع لمين هنا بقى انا كقارئ متدبر لما اقرا الكلمة دي الا من شهد بالحق وهم يعلمون يترسخ جوايا مبدأ في حياتي كلها - 00:24:34

اني لا يمكن اتكلم الا فيما اعلم فقط للأسف الناس بتقعد مع بعض والكل بيتكلم في كل حاجة كل واحد بيدلي بدلوه فيما يعرف وما لا يعرف. ودي صفة ذميمة جدا في الانسان. تدل على جهل - 00:24:52

مش بس تدل على جهد تدل على غرور تدل على مرض نفسي اسمه تضخم الانا انك تقعد مع ناس بيتكلموا في امر انت مش فاهم فيه. بيتكلموا في البورصة بيتكلموا في الاسهم - 00:25:11

وانت ما انتاش فاهم حاجة في البورصة. بتتكلم ليه؟ ما تقفل بقلك. ما تقعد ساكت. انت اصلا شكلك كده محترم ولا بس كويس وبتاع. فبيقى في واحد يا عيني معه - 00:25:25

قرشين عايز يستسمرهم. يلاقيك قاعد انت بتقول اي كلام يفتكره فاهم. يروح يسمع كلامك ثاني يوم يضيع فلوسه. طب وليه اتكلمت اصلا ده لاني كنت قاعد مكسوف انك ما تتكلمش - 00:25:35

احسن تتكشف انك مش فاهم فبتضطر تتكلم وتقول اي كلام. تحاول بقى تسترجع الكلام حد سمعته من هنا او من هنا عشان بس ما يزهersh انك جاهل. ايه ده ما تسكت - 00:25:49

الامام مالك في المسجد النبوي بيدي درس. سائل قال له انا اهل اليمن جاي من اليمن اهل اليمن محمليني اربعين مسألة. عندنا اربعين سؤال لك سمع الاربعين سؤال جاوب اربعة - 00:26:01

وسنة وتلاتين الف لا اعلم لم يخرج انه يقول لا اعلم. ده الامام مالك الا اعلم القرآن بقى لما تتدبره بيشكل شخصيتك يعني هقول لكم حاجة هديك تمرين تعمله لما تقعد اول مرة تقع فيها مع اصحابك - 00:26:18

انت خرجت قعدت مع صديقاتك ساعتين جربوا انكم تقولوا انا هاقعد الساعتين دول ما اتكلمش خالص جرب تقعد ما تفتحش بقلك ابدًا. الا لو حد وجه لك كلام رد مختصر على قد الكلام وخلاص. لكن في الحوارات والكلام اللي بيحصل في السياسة - 00:26:38

في الدين وفي كل حاجة ما تشاركش. جرب انك تقعد تستمع فقط. قل كده انا النهاردة هاستمع ومش هاتكلم ابدًا الا لو حد وجه لك كلام ازاى يبقى الحمد لله كويس وخلاص - 00:26:59

تقول للناس انا ساكت عشان كده ما تعملش كده انت انوي ان النهاردة مش هتتكلم ومش هتدي رأيك في حاجة. وشف هتقدر تعمل كده ولا هتشعر انك هتتجنن هتتجنن عاوز تتكلم - 00:27:11

لو شعرت انك لازم تتكلم يبقى انت عندك الانا متضخمة لانك انت محتاج انت على طول محتاج دورة التربية الروحية بقى. ليه؟ لان



انت متخيل ان العالم محتاج حكمتك - 00:27:24

ولو ما اتكلمتش يوه الدنيا هتطريق اقرا سبعة وتمانين ولئن سألتهم من خلقهم ليقولن الله فانى يؤفكون؟ خل بالك ان السؤال ده سئل لهم قبل كده بس بصيغة اخرى ارجع لي للاية تسعة - 00:27:38

هات لي الاية تسعة. ما هو اخر السورة بيرتبط باول السورة عادة كده هات الاية تسعة. ولان سألتهم من خلق السماوات والارض ليقولن خلقهن العزيز العليم ببقى لما سنلوا قبل كده - 00:28:00

سنلوا من خلق السماوات والارض المرة دي في الاية سبعة وتمانين ولئن سألتهم من خلقهم هم عمل زووم ان قلنا انك لما الانسان يكون داخل بيدعو ناس يحاول يجد الخير اللي جواهرهم ويطلعاه ويبنى عليه - 00:28:17

يعني دول ناس مشركين بيعبدوا الملائكة مسلا لكنهم بيؤمنوا ان الله هو خالق السماوات والارض. اسألهم السؤال ده عشان يقوله عشان انتم الاتنين تجدوا مشتركات بينكم تبنا عليها بعد كده وتبني عليها دعوتك بعد كده - 00:28:44

ده لو انت بتدعو ناس مسلا مؤمنة بوجود الله وان هو الخالق اسألهم السؤال ده عشان يذكروا ان الله هو الخالق فيشعروا هم ان في ارض مشتركة بينكم ثم تبدأ تدعوهم للاسلام. المرة دي بقى في - 00:29:04

ختام السورة النبي امر عليه الصلاة والسلام انه يسألهم ويعمل زوم ايه عليهم هم. ويسألهم عن اللي خلقهم هم نفسهم مش السماوات والارض هم بقى تمام اه سبعة وتمانين ولئن سألتهم من خلقهم - 00:29:19

ليقولن الله فانى يؤفكون يعني اين ينصرفون؟ اين يذهبون ازاى يذهب بعيدا عن الحق بعد كده وهم عارفين ان اللي خلقهم هو الله. كيف يكرهون الحق بعد كل ده فانى يذهبون - 00:29:38

الاية تمانية وسبعين بص في تمانية وسبعين معي تمانية وسبعين لقد جئناكم بالحق ولكن اكثرتم للحق كارهون. هو خلقكم وهو رعاكم المفروض تحبوه وتشكروه وتتبعوه اقرا واحد وستين ارجع لواحد وستين. واتبعوني هذا صراط مستقيم. اتبعوا الله بانك تتبع كلام الله - 00:30:00

وكلام رسول الله المفروض احنا عرفنا ان الله هو الخالق يبقى علينا ان احنا نحب الله سبحانه وتعالى ونتبع الله باتباع كلام الله واتباع كلام رسول الله آا اقرا تمانية وتمانين وتسعة وتمانين. يلا خلاص قربنا نخلص اهو - 00:30:23

تمانية وتمانين تسعة وتمانين وقيله يا رب ان هؤلاء قوم لا يؤمنون واصفح عنهم وقل سلام فسوف يعلمون قيله يعني قوله. قول النبي قربنا بيقول ما قالوش قيلك انت هو ما قالهاش بلسانه - 00:30:40

لكن ده دليل ان الكلام ده دار في نفس النبي دار في قلبه ربي هؤلاء قوم لا يؤمنون. يا ربي احنا بقى لنا كم سنة دلوقتي بندعوا وخلاص في اخر كم سنة؟ يعني ما حدش بيؤمن - 00:31:06

بل هم كل يوم بيزدادوا قسوة. خلي بالك الكلام ده بينزل في اواخر المرحلة المكية قبل الهجرة بسنة بعد انتهاء حصار المسلمين في شعب ابي طالب المسلمين كلوا الحشائش بتاعة الارض لغاية ما الفضلات بتاعتهم التواليت بتاعهم بقى شبك - 00:31:19

الفضلات بتاعة المعيز وبتاعة الجمال. لو كان بياكلوا اكل بياكلوا الحشائش. اكثر من كده ايه النبي دار في خلداه دار في قلبه يا ربي ان هؤلاء قوم لا يؤمنون فجاءه الامر اسمع بقى - 00:31:39

واصفح عنهم انت حصل لك اذى نتيجة الدعوة اصفح وقل سلام الاية ثلاثة وتمانين ارجع لثلاثة وتمانين فذرهم يخوضوا ويلعبوا. اتركهم سبهم يخوضوا ويلعبوا. وفي تسعة وتمانين فاصفح عنهم وقل سلام. كمان - 00:31:59

كمان هصفح يعني سبناهم وكمان هنصحى هتصفح خلي بالك. فاصفح عنهم وقل سلام فسوف يعلمون وبالفعل حدثت حروب طاحنة بقى وغزوات وسرايا وبعدها حصل ايه اسلم كل ده اتنين وعشرين سنة من الصراع واسلام خالد بن الوليد اسلموا عمرو بن

العاص اسلم. سيد قريش نفسه ابو سفيان ابن اسلم - 00:32:23

فسوف يعلمون. بعضهم علم الحق من الباطل في الدنيا زي دول واسلموا وبعضهم زي ابو جهل وعتبة وشيبة قتلوا في بدر وعلموا الحق من الباطل بس بعد فوات الاوان اذا الموضوع لا يخصك يا محمد. مين هيهتدي ومين لأه - 00:32:56

ما يخصكش وما على الرسول الا البلاغ المبين. وانت بلغت وبذلك تم بحمد الله تدبر سورة الزخرف. وبكرة ان شاء الله نبدأ سورة الدخان اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب. فاجعله قوة - [00:33:16](#)

لنا فيما تحب وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ملائكتك - [00:33:41](#)

وانبيائك ورسلك وعبادك الصالحين. اللهم احى قلوبنا بحبك واجعلنا لك كما تحب. اللهم اجعلنا نحبك في كل قلوبنا ونرضيك بكل اجسادنا. اللهم اجعل حبنا كله لك وسعيننا كله في مرضاك - [00:34:07](#)

اللهم اجعل القرآن الكريم ربيع قلوبنا ونور صدورنا وجلاء احزاننا وذهاب غمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر السماوات والارض. عالم الغيب والشهادة انت تحكم بين عبادك فيما كانوا فيه يختلفون. فبحق كل حرف فيه - [00:34:27](#)

في كتابك تلوناه او تدبرناه. اكفنا واهلينا واخواننا شر كل من يكيد لنا ولهم. واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا بك - [00:34:58](#)

اللهم بحق كل حرف في كتابك تلوناه او تدبرناه بنصرك المرابطين في الارض المباركة فلسطين وانصرهم وانصر من نصرهم واخذل من خذلهم وطهر المسجد الاقصى ومن الدنس فانهم لا يعجزونك - [00:35:16](#)

اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا مريضا به او حاملا له فالبسه ثوب الصحة والعافية عاجلا غير اجل. ومن لم يصب به - [00:35:36](#)

اتقي شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك وتوحدت على دعوتك وتعاهدت على نصره شريعتك فوثق اللهم - [00:35:56](#)

وادم ودها واهدها سبلها واملاها بنورك الذي لا يخبو. وشرح صدورها بفيض الايمان بك جميل التوكل عليك واحيها يا ربنا بمعرفتك يا مولانا على الشهادة في سبيلك فانك نعم المولى ونعم النصير. والسلام عليكم ورحمة الله وبركاته. نراكم غدا باذن الله. ان كنا من اهل - [00:36:20](#)

الدنيا في نفس هذا الموعد السلام عليكم - [00:36:50](#)